

اداره خانه سی : دارالفنون
قارشیسنده کاش حسن پاشا
مدرسه سی داخلنده در

مرکز توزیعی :
باب عالی جاده سنده (اتحاد
تجارت) کتبخانه سی

آبونه بدلی :
سنه لکی ۱۰۰ فروش
آلتی آلتی ۵۰

آبونه قیدی معامله سی هر سنه نك برنجی
وایکنجی آلتی آلتی اعتبار آ اجرا اولونور

دینی ، علمی ، ادبی ، اجتماعی و شهری

مختل
۱۳۳۸

مجموعه اسلامی سی

صاحبی ، مدیری ، محرری :

اسلامك نفعنه خادم مقالات
مع التشكر قبول ونصر اولونور

یازانك شخصیق دکل، یازانك اهیق
نظر دقته آلتییر .

کلن یازیلردن هایان قبول کوردولنلر
تامرغ صیراسیله درج ایدیلیر .

کونده ریله جك آثار ، اولوناقلی
و مختصرجه یازیلش اولمالیدر .

ذی الحجه
فی : فروش
۱۳۴۱
۱۰



عدد
جلد
۳۸
۴

آه؛ یشار!.. شمدی باق اسمک سنده دکل،
سن اسمکده تیحلی ایتدک. شئونات الیهیه پایان
تصوری محال، حقیقت ینه بردر. یشادیفکه و
یشایه جفکه قائم. آه، لکن کوکل ایستردی که مساک
اسمکده اولدینی قدر بر آزده اسمک مساکده
تیحلی ایتسیدی... *

* *
یشار، جدأ خلوق، متدین، تزیه اللسان و
صاحب وجدان برکنجیدی. بونک ایچین هر برده
محترم وموقرایدی. جناب حق مرحومک عائله سینه
ویارانسه صبر جمیل احسان ایلسین...
وفاتسه سویله دیکم ایکی قطعه تاریخیه یی کمال
تأثرله شورایه قید ایدیورم.

شاد ایدی شادی شاعرله قلوب ادبا
رحلتی اولدی بوکون حزن عظیمی بادی
آب دیده مله شوتاریخ تمامی یازدم:
کیتدی کلزار مطرای ادبدن شادی
دیگر

ملک خصلت، کزیده شاعر خوشکوایدی افسوس!..
جوان مرک ایتدی کلزار ادبدنه بخت ناشادی
مجهور دوشدی بر تاریخ یوم ارتحالنده:
قلوب عارفاندن شادی کیتدیه یشار یادی

۱۳۴۱

امساله محوی

محفل تاریخی:

جعفر بن ابی طالب

(۳۶ نهی نسخه دن مابعد)

قریش مرخصلری، نجاشی نک [۱] حضورینه
حقیقمدان اول ارکان حکومتله کوروشدیلر وهدیه لر
تقدیمله توجهلری قازاندیلر.

(۱) نجاشی: حبشه حکمدار دیمک اولان

(نهغوشی) لفظنک معربی ایمش.

اووقت حبش نجاشیلکننده (احممه بن بحر)
نامنده فضیلتی بر ذات بولونویوردی. بو ذاتک
پدری ده نجاشی ایکن اهالی طرفدن قتل ایدیلوب برینه
قارده شی کچیریلش، احممه ده عمجه سنک حایه سنده
تطیم و تربیه کورمشدی. باباسنک قاتلیری، احممه نک
فضل و کالندن و حکومت کچدیکی تقدیرده اخذ
و نکالندن قورقدقلری ایچین همهجه سینه قتلی
توصیه سنده بولوندیله. همهجه سی ایسه یکنی اولدورتمه یه
قیامادی، فقط کوله دیبه هجازلی برینه صاندیردی.
بی چاره برنس، بدرجوارنده و بی ضمره یوودنده کی
وادی ارالده افندیسنک قویونلری گوتمه یه باشلادی.
لکن حبشه کی نجاشی، ییلدیرم اصابتله هلاک
اولدینی، اون ایکی دانه اوغلنک هپسی ده اداره
حکومه اهلیتسز بولوندینی ایچین حبشیلر هیئت
مخصوصه کونده ردیلر، احممه یی صاتین آلوب
مملکتلرینه کتیردیلر و سریر حکومت کچودیلر.
ایشته بوتجربه لی حکمدار، قریش مرخصلری
حضورینه قبول ایتدی و یانه او طور توب التفاتده
بولوندی. تقدیم ایدیلن هدیه لره مظلوظیت بیاندن
صوکر سبب زیارتلری صورتی.

ذکاتوقی قدر طلاقیه ده اولان عمرو بن العاص
سوزده باشلادی. ایچلرندن یالانجی! برینک
نبوت دعواسنه قالقوب یکی بر دین چیقاردیغی،
معبودلری و اولرله طاینانلری تسفیه و تحمیق
ایله دیکنی، صوکر بعضی سفهانک اوکا
تابع اولدیغی سویله یه رک مهاجرلرک کندیلری
ایله برلکده کونده ریله سنی رجا ایتدی. حضورده
بولونانلر، اولجه قازانیلمش اولدقلری جهته -
ملتجه لیرک هویت و ماهیتلری زجه مجهول. مرخصلر،
همشهریلری اولدقلرندن کندیلری البت دها ای
بلیرلر. اوللری بولرله تسلیم ایله بی طرف طور مق
لازمدر. دیه طرفدارلق کوستردیلر.

نجاشی ، معیتک مطالعہ سنہ حدتہ ندی :

— بنی ہاشقہ لرینہ ترجیح ایلہ مملکتہ التجا
ایلہ مش اولانلری صوروب آکلما دن لاهاء الله
[لاوالله] تسلیم ایتہم . ہلہ اولنلری چاغیرکدہ
کوروشوب آکلشالم دیدی .
نجاشینک ماموری کلوبدہ دعوت ایدیجہ
مسلمانلر :

— حکمدارہ نہ دیہ جکز؟ دیہ مشاوردہ
بولوندیلر . جعفر بن ابی طالب :

— نہ دیہ جکز؟ رسول اللہدن اوکرندہ
کلریمز سویلہ رزہ دیدی ورفقاسی طرفندن مکالمہ یہ
مأذون قیلندی .

نجاشینک حضورندہ دینی و علمی بر مباحثہ
اولاجنی جہتلہ حبش باباسلری جلب ایدیلش ،
اونلرک دینی و مذہبی طومارلری میدانہ چیقاریلش
ایدی . او صراہہ ،

— جعفر بالباب یستأذن و معہ حزب الله ،
یعنی : جعفر ایلہ یانندہ کی حزب الہی قاپیدہ
طورویور ، ایجری یہ کیرمک ایچین اذن ایستبور .
دیہ مہیب و ادیب برسس ایشیدیلدی . نجاشی دہ :
— نعم یدخل بامان الله و ذمتہ ، دیہ مساعده
ایتدی .

اوکرندہ جعفر بن ابی طالب اولدینی حالہ
مسلمانلر ، نجاشینک حضورینہ کیردیلر و بلا
انحنا سلام ویرمکله اکتفا ایتدیلر .

عمرو بن العاص ، نجاشی بی قیزدیرمق ایچین
بوندن استفادہ ایلہمک ایستہدی .

— ایہا الملک ! شونلری کورویورمیسک ؟
ہم کندیلرینہ (حزب الله) دیورلر ، ہم دہ
حضورگدہ سجدہ تعظیمہ نزل ایتبورلر دیدی .
حکمدارک سؤال واقعی اوزہرینہ جعفر ایلہ
آرالرندہ شو وادیدہ بر مکالمہ باشلادی :

— نیچین حضورمدہ یر اویمہ دیکمز ؟

— بز جناب حقندن باشقہ سنہ سجدہ ایتہیزہ ،
بردہ اہل جنتک آشنالنی سلامدن عبارت اولدیننی
بیلیرز . اونک ایچین سکادہ تعظیماً سلام ویردکہ
نجاشی ، سلامک تحیۃ الاسلام اولاجنی او قوش
ایدی . بناءً علیہ سالک اولدقلری دینک ماہیتندن
سؤال ایتدی . جعفر دہ :

— ایہا الملک ! بز جاہل بر قوم ایدک . پوتلرہ
طاپارہ حیوان لاشہلری یردک . اقربا و قومشو
حقوقہ رعایت ایتزدک . قویلریمز ، ضعیفلریمز
آزردی . بو حالہہ ایکن جناب حق بزہ بر پیغمبر
کوندہ ردی . نیتہ کیم ام سالفہ یہدہ یوللامشدی .
نسبنی ، صدق و امانتنی وعفتنی بیلدیکمز بو رسول
ذیشان ، بزى ترك اصنام ایلہ توحید الہی یہ دعوت
ایتدی . کوندہ ایکشر رکعت اولمق اوزرہ ایکی
وقت نماز قیلماضری ، ہرآی اوچ کون اوروچ
طوتمامزى (۱) مقتدر اولانلریمزک صدقہ
ویرمہ سنی (۲) جملہ مزک طوغرو سویلہ یوب امانتہ
صلہ رحہ ، حسن جوارہ رعایت ایتہمزى ،
محارمدن ، فواحشدن ، ناحق یرہ قان دوکمکدن
بالان سویلہ مکدن ، یتیم مالی یمکدن ، اہل عصمت
قادینلرہ افترا ایتمکدن صاقینماضری امر ایلہدی .
بزہ اونى تصدیق و اصرا لرینہ اطاعت ایتدک .
قوممزايسہ بزى تکرار پوتلرہ طاہندیرمق و خجاشی
مباح قیلمق ایچین صیقیشدیرمایہ باشلادیلر . ناچار
قالوب مملکتتمزدن چیقدق ، ظلم و غدرہ اوغرامایز
دیہ سنک ممالککہ صیفیندق جوانی ویردی .
نجاشینک بشاشت کوسترمہ سندن قوشقولانان
عمرو بن العاص :

— ایہا الملک ! بونلر عیسی بن مریم حقندہ

(۱) رمضان اوروجی ، اووقت فرض قیلنماشدی .
(۲) زکات ، مدیتہدہ مفروض اولشدی .

